

58.

Na osnovu člana 158. stav 2. Poslovnika Skupštine Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 12/09, 19/09 i 5/10-isp.), Skupština Zeničko-dobojskog kantona na 17. sjednici, održanoj dana 31.01.2012. godine, donosi:

AUTENTIČNO TUMAČENJE

člana 6. tačka f) Zakona o sudskim taksama („Službene novine Zeničko-dobojskog kantona“, broj: 12/09, 4/11 i 7/11), a u vezi sa Tarifnim brojem 27. Tarife sudskih taksi istog zakona

Član 1.

(Predmet autentičnog tumačenja)

Utvrđuje se autentično tumačenje člana 6. tačka f) Zakona o sudskim taksama („Službene novine Zeničko-dobojskog kantona“, broj: 12/09, 4/11 i 7/11), a u vezi sa Tarifnim brojem 27. Tarife sudskih taksi, koja čini sastavni dio Zakona o sudskim taksama (u daljem tekstu: Zakon), a kojim se precizira pravilan smisao navedene zakonske odredbe i Tarifnog broja 27.

Član 2.

(Pravilan smisao odredbe zakona i tarifnog broja)

Član 6. tačka f) Zakona glasi:

„Ako ovim zakonom nije drugačije propisano, taksena obaveza nastaje: za sudske prepise – kada se zatraže od suda“

Tarifni broj 27. stav (1), (3) i (7) Zakona glasi:

(1) „Za pismeni ili usmeni zahtjev da se izvrši prepisivanje sudskog akta, plaća se taksa u iznosu od 5,00 KM“.

(3) „Za izdavanje prijepisa raspravnog zapisnika, kao i za prijepis raspravnog zapisnika koji je izrađen istovremeno sa sastavljanjem originala, plaća se polovina takse iz stava (1) ovog tarifnog broja“

(7) „Pod prepisom se ne podrazumjevaju: fotokopija ili kopija, koja je preslikani original ili matrica, uključujući uvećanje i umanjenje, mehaničkim ili elektronskim presnimavanjem, hemijskom reprodukcijom ili nekom drugom ekvivalentnom tehnikom kojom se precizno reprodukuje original“

S obzirom na navedeno, primjerak (kopija) raspravnog zapisnika izdata na zahtjev stranke u toku trajanja rasprave, odnosno pred kraj ročišta, smatra se prijepisom u smislu stava (3) tarifnog broja 27. Zakona.

Član 3.

(Primjena autentičnog tumačenja)

Ovo autentično tumačenje se primjenjuje i važi od dana primjene odredbe Zakona za koje se daje autentično tumačenje i isto će se objaviti u „Službenim novinama Zeničko-dobojskog kantona“.

Broj: 01-02-2481-1/12

PREDSJEDAVAJUĆI

Datum, 01.02.2012. godine

Z e n i c a

Miralem Galijašević, s.r.

VLADA

59.

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10) i člana 30. Zakona o izvršavanju Budžeta Zeničko-dobojskog kantona za 2011. godinu („Službene novine Zeničko-dobojskog kantona“, broj: 4/11), na prijedlog Ministarstva za privredu, Vlada Zeničko-dobojskog kantona, na nastavku 44. sjednice, održanom 21.12.2011. godine, d o n o s i

ODLUKU

**o odobravanju finansijskih sredstava-
subvencioniranje administrativnih
troškova kod izgradnje proizvodnog
objekta privrednog subjekta „Stek“
d.o.o. Breza**

Član 1.

(Predmet)

Odobravaju se finansijska sredstva – subvencija administrativnih troškova privrednom društvu „Stek“ d.o.o. Breza u iznosu od 8.000,00 KM (slovima: osamhiljada konvertibilnih maraka), na ime refundacije administrativnih troškova za izgrađeni objekat proizvodne površine 208,84 m², namijenjen za preradu mesa i izradu suhomesnatih proizvoda, na lokalitetu ul. Huseina Kapetana Gradaševića broj 10, Župča, općina Breza.

Član 2.

(Ekonomski kod)

Odobrena sredstva iz člana 1. ove odluke isplatit će se iz Budžeta Zeničko-dobojskog kantona za 2011. godinu, razdjel 18, Ministarstva za privredu, budžetska organizacija 01, potrošačka jedinica 0001, ekonomski kod 614 500, pozicija „Subvencije preduzećima u privatizaciji i podsticaj u industriji“, i uplatiti na bankovni račun broj: 1610150007080082, otvoren kod Raiffeisen bank d.d. Bosna i Hercegovina, filijala Visoko.